



Te Whai
Toi Tangata

Institute of Professional Learning

THE UNIVERSITY OF WAIKATO

2016

NGĀ TŪMOMO RATONGA TAUTOKO
MŌ NGĀ KURA ME NGĀ AKOMANGA RUMAKI REO MĀORI



THE UNIVERSITY OF
WAIKATO
Te Whare Wānanga o Waikato

www.waikato.ac.nz/professionalllearning
www.facebook.com/tewhaitoitangata

He pitopito kōrero mō Te Whai Toi Tangata

Ko Te Whai Toi Tangata tētahi ratonga reo rua, kākano rua hoki e whakarato ana i te ako ngaio me te whakawhanaketanga ngaio. Ko tōna tūāpapa, ko ngā tino whakapuakitanga, ngā tino rangahau hoki o te ao i whakanuia ai i roto i ngā tau rua tekau - neke atu rānei - kua pahure ake nei.

Ka whai wāhi nui mātou ki Te Kura Toi Tangata i Te Whare Wānanga o Waikato. Ka whakarato mātou i ngā hōtaka ako ngaio, whakawhanaketanga ngaio hoki o te kounga kairangi, ā, i whakamōhiohia ai hoki ki ngā tino rangahau, ā, ka whai wāhi ki te whakapaitanga ake o ngā whakaritenga ngaio ki ngā whare kōhungahunga, ngā kura rumaki reo Māori, ngā kura auraki, me ngā whare wānanga o te motu, o te ao hoki.

He rōpū tā mātou o Te Whai Toi Tangata, o ngā kaitakawaenga tautōhito e mōhio ana ki ngā rangahau me ngā whakaritenga ka whai hua, ā, ka tautoko hoki mā te reo Māori. E āhei ana mātou ki te āta whai wāhi atu ki ngā horopaki rumaki reo Māori, reo rua hoki. Ka mahi ngātahi mātou ko ngā kairangahau, ko ētahi atu kaitakawaenga hoki e noho mātanga ana i roto i ngā āhuatanga pērā i te Ihumanea, me te ako mā ngā Hangarau Matihiko.



Ko te tangata
Ko te Kura Toi Tangata
Tihei, ko Te Whai Toi Tangata

Te Tūhono i te Auaha me te Hiranga mā te Ako Ngaio
Te Waharoa ki te Ao Mārama



Ā mātou tūmomo mahi hei tautoko i ngā kura

Ka noho pūmau mātou ki te mahi ki te taha o ngā kura, me te waihanga, te whakatinana anō hoki i ngā hōtaka ako ngaio ā-kura, hei hāpai, hei whakatairanga hoki i te kounga o te whakaako me te ārahitanga mō ā rātou ākonga.

Tihei Pāngarau!

Ko te Pāngarau tētahi wāhanga ako matua mō ngā ākonga katoa.

E whakapono ana mātou, ka whai pānga te Pāngarau ki te angitu me te waiora o ngā ākonga, o ō rātou whānau, tae atu hoki ki ō rātou hapū me ō rātou iwi. Ka whakarato Te Whai Toi Tangata i te tautoko mātanga e arotahi ana ki te whakatairanga ake i te kounga o te whakaako, me te whakapuaki ngātahi i ngā pūmanawa me ngā rauemi ka whai hua, hei whakatairanga i te eke angitu o ngā ākonga i roto i te Pāngarau.

Kei Te Whai Toi Tangata te whānuitanga o ngā tūmomo ratonga Pāngarau matawhānui mō ngā kura, tae atu ki te hāpai i ngā kaiako ki te ako me te whakatinana i ngā mahi aromatawai e whai hua ana, te whakamahere mō te ako, te whakaemi me te tātari i ngā hōtuku aromatawai, te whakamahi i Te Waharoa Ararau ā-Kura me Te Waharoa Ararau ā-Motu, tae atu hoki ki te whakarite i ngā pūrongo mā ngā mātua, te whānau, me Te Tāhuhu o te Mātauranga.



Ka taea te whakahāngai te tautoko Pāngarau ki ngā hiahia o te kura, ā, tērā pea ka hāngai hoki ki:

- Te Pāngarau mō ngā ākonga o ngā Tau 0 ki te 10 – Te Tau me Te Taurangi, Te Ine me Te Āhuahanga, Te Tauanga me te Tūponotanga
- Te Pāngarau ki ngā taumata 1 ki te 3 o Te Taumata Mātauranga ā-Motu kua Taea - Te Tau me Te Taurangi, Te Ine me Te Āhuahanga, Te Tauanga me te Tūponotanga
- Te tuitui i ngā whenu Pāngarau ki te marau ā-kura, me te tūhonohono ngātahi i ngā whenu me ngā nama
- Te Aromatawai i te Pāngarau
- Te tautoko i ngā mahi e pā ana ki Te Waharoa Ararau ā-Kura me Te Waharoa Ararau ā-Motu, tae atu ki ngā mahere ā-tau me te whakatakoto i ngā taumata e pā ana ki te Aratohu Whakahaere Mātauranga ā-Motu 2a
- Te whakapakari i ngā tukanga ki te 'Whakatau Aronga'
- Te āta whakamahia, kia whai hua ai, ko ngā tūmomo rauemi Pāngarau kē ā te kura
- Te waihanga i ngā rauemi kore utu, me ngā rauemi iti noa te utu, hei hāpai i te whakaako me te ako i te Pāngarau
- Te hono haere i te Hangarau me te Pāngarau, me te Pāngarau anō tonu ki ētahi atu marau.
- Te whakawhanake i ngā pūnaha Pāngarau ki ngā kura, pērā i ngā mahere whakatinana, ngā rārangi aromatawai, me ngā hōtaka ako ake o ētahi ākonga.
- Te whakawhanake i te kounga o ngā hōtaka Pāngarau ki ngā kura.

Te tautoko i te tumuaki me te ārahitanga

E kore au e ngaro, he kākano i ruia mai i Rangiatea

Ko te kounga o te ārahitanga ngaio e noho matua ana ki te kōkiri i te eke angitu o ngā ākonga i roto i ngā akoranga. He nui, he matatini hoki ngā tūmomo mahi ā ngā tumuaki me ngā kaiārahi o ngā kura, ā, he maha ā mātou ratonga hei hāpai i ngā kaiārahi hou, me ngā kaiārahi tautōhito, pērā i ngā aromihi tumuaki, te whakamahi i te Pakirehua, te whakamahi i ngā hōtuku paetae ākonga, te whakaruruahu me te akiaki, te pūrongo i te Aratohu Whakahaere Mātauranga ā-Motu 2a, ngā tikanga rehita a ngā kaiako, te whakarite i te tūtohinga o te kura, me te whakariterite anō hoki mō ngā arotake a Te Tari Arotake Mātauranga me Te Mana Tohu Mātauranga o Aotearoa.

Te mahi ki te taha o ngā rōpū kura me ngā hapori ā-kura

Ehara taku toa i te toa takitahi, engari he toa takitini.

E mōhio ana mātou, ka tino arotahi mārika te nuinga o ngā kura ki te whakawhanake i te āheinga o ō rātou ake kaiārahi, ō rātou ake kaiako, me tō rātou ake whānau ki te whakarato i te mātauranga o te kounga kairangi mō ā rātou ākongā. Ko te whakapuaki ngātahi i ngā mōhioatanga me ngā whakaritenga puta noa i ētahi kura me ō rātou hapori, ka whai pānga nui ki te whanaungatanga me te mahi ngātahi ki te whakapakari tonu i te angitu me te oranga hoki o te katoa o tātou te tangata.

E āhei ana ngā kaitakawaenga o Te Whai Toi Tangata ki te hāpai i te whai wāhi nui o ō kaiārahi, ō kaiako hoki ki ngā hapori ako whānui. He maha ngā huarahi ā mātou mō te mahi ngātahi ki ngā kura me ngā hapori e hiahia ana ki te whakakotahi ake i tā rātou whai atu i ā rātou kaupapa matua – pērā i te hanga ngātahi me te whakahaere i ngā wānanga ako ngaio e hāngai pū ana ki ētahi kaupapa, i te ārahi hoki i te tirohanga ki ngā whakaritenga a te kaiako me te arahitanga mā te tauira o te Pakirehua, ā, i te mahi ngātahi me ngā tumuaki e hiahia ana ki te whakarite i tētahi rōpū ako ngaio.

He pūtea hei hāpai i te auhatanga ka kōkirihiā e te kaiako

Mā te mōhio, ka mārama; Mā te mārama, ka mātau; Mā te mātau, ka ora!

Ka whai pānga nui ngā kura rumaki reo Māori ki te whakarauora o te reo Māori, me te mātauranga e hāngai ana ki te reo, te ahurea, me te tuakiri o ā rātou ākongā, ō rātou whānau, me ō rātou iwi. Ka puāwai te taha auaha ki ngā kura Māori, ā, he whai wāhitanga mō ngā kura ki te whai atu i te waihanga mai o ngā mōhioatanga me ngā rangahau ka whai pānga ki te pūmautanga o te kaupapa Māori me te mātauranga rumaki reo Māori.

He pai te whai wāhi atu a Te Whai Toi Tangata ki te hāpai me te mahi ngātahi ki ngā kaiako me ngā kura e whai whakaaro ana ki te tuku tonu mō te pūtea hei hāpai i te auhatanga ka kōkirihiā e te kaiako, me te kawē atu i ngā rangahau auaha ka kōkiri whakamua ai i te angitu o ngā ākongā i roto i te mātauranga.

Mēnā he whakaaro auaha ōu, he kaupapa āu rānei e hiahia ana koe ki te tūhura ake, he kaitakawaenga mātanga ō mātou e āhei ana ki te mahi ki te taha o ngā kaiako me ngā kura. Ka taea e mātou te whai wāhi atu ki ngā whakawhitinga kōrero, ngā tukanga whakataunga rānei, hei hāpai i te whai wāhi nui o te kura me ngā kaiako ki tētahi hapori ako whānui, ā, ki te kawē ake rānei i te tirohanga pakirehua ki ngā whakaritenga ki te taha o ētahi atu kaiako, me te whakawhanake i ngā huarahi auaha kia eke angitu ai ngā ākongā ki te kura.

Kei Te Tāhuhu o te Mātauranga ngā pūtea whakataetae ka hāpaitia te rangahau auaha. Ki te hiahia kōrero anō e pā ana ki te pūtea hei hāpai i te auhatanga ka kōkirihiā e te kaiako, whakapā atu ki te tari o Te Tāhuhu o te Mātauranga ki tō rohe, tirohia rānei tā rātou whārangi ipurangi: www.education.govt.



Ētahi atu ratonga ngaio

E āhei ana Te Whai Toi Tangata ki te whakahāngai i te tautoko, puta noa i te maha o ngā wāhanga matua, i runga anō i ngā tūmomo kaupapa ako ngaio o tēnei wā, i ērā hoki e pupū ake ana, ā, me ērā hoki ka whai ake. Ko ētahi tūmomo wāhanga, ka hāngai pea ki te:

Kōkiri i ngā Kaupapa Matua ā-Motu

Te whakawhanake me te whakatinana i te marau ā-kura
Te Pāngarau me Te Reo Matatini
Ngā Whanaketanga Rumaki Māori
Te Aromatawai – Rukuhia, Rarangahia

Te Whakatairanga i te Ārahitanga me te Whakaako

Te Pakirehua
Te tautoko i te ārahitanga ngaio
Te aromihi i ngā tumuaki me ngā kaiako
Te whakawhanake i ngā pūkete ā-hiko (ngā pūkete ako)
Te tautoko i ngā kaiako tiwhikete whaiaro me ngā kaiako e tautoko ana i a rātou
Te whakarite mō te arotake a Te Tari Arotake Mātauranga (ERO)

Te Mātauranga Kura Tuarua

Ngā Ara Umanga me te Āhua o Ngā Ākonga ka Puta i ngā Tau 9 ki te 13
Te whakarite ki te Whakahaere i ngā Aromatawai ā-Motu
Te Taumata Mātauranga ā-Motu kua Taea (NCEA) me te Aromatawai
Ngā Mahi ā Rēhia

Te Whakapakari i te Tautoko Ako

Te whai wāhi mai o te whānau
Te Mātauranga Tauwhāiti / Te tautoko SENCO
Te Hākinakina/Te Hauora Tau 1 ki te 13
Te tuitui i te Hangarau ki te akomanga me ngā akoranga
Te whakawhanake i ngā rauemi ako, te whakapā atu hoki ki ngā rauemi ako.

Te hui tahi me te utu

Ka whakahāngaitia te ako ngaio hei whakatutuki i ngā matea, me ngā wā hoki e wātea ana te kura, te rōpū ā-kura rānei. E āhei ana ngā kaitakawaenga ki te whakarato i ngā wā ahurei, ngā wā maha rānei, me ngā wānanga mō te haurua, te katoa rānei o te rā, tae atu ki ngā ratonga ā-ipurangi, ā-waea hoki.

Kāhore he utu mō te whakawhitinga kōrero tuatahi e pā ana ki ngā kaupapa ako ngaio matua ā koutou. Ka tīmata te utu o ngā wā ako ngaio i te \$185 mō tētahi hui 90 meneti te roa. Ka whakaritea te utu mō ā mātou ratonga ngaio, ā, ka whakatau ngā utu whai muri i te whakawhitinga kōrero.

He tauira o ngā tūmomo utu

Kotahi te hui, 90 meneti te roa – tērā pea mā ngā kaimahi katoa, mā ngā hui ā-rōpū rānei, me ngā kaiako matua	Mai i te \$185
E rua ngā hui, 90 meneti te roa o ia hui	Mai i te \$370
E whā ngā hui, 90 meneti te roa o ia hui	Mai i te \$740
He wānanga mō te haurua o te rā – tērā pea, ka tū ā muri i te kura, hei te maruahiahi rānei, hei ngā wā whakatā rānei o ngā wāhanga ā-kura, hei ngā rā rānei ka tū mō ngā kaiako anake	Mai i te \$330
He wānanga mō te katoa o te rā	Mai i te \$660

Mō te whakarite i te whakawhitinga kōrero tuatahi e pā ana ki ō kaupapa ako ngaio matua, tēnā koa, whakapā atu ki a Charity Edwards, mā te waea 07 858 5075, mā te īmera rānei maorimedium@waikato.ac.nz



Te Whai
Toi Tangata

Institute of Professional Learning

THE UNIVERSITY OF WAIKATO

Mō te whakarite i tētahi wā kōrero e pā ana
ki ō kaupapa ngaio matua, whakapā mai:
maorimedium@waikato.ac.nz

